

榮

性

堂

集

榮性堂集卷三

吳縣吳俊曇繡

古今體詩

惟鳥一章

有序

雲谷黃子吳縣人也供奉 內廷畫苑以母老將歸
瀕行寫鳥私圖以見志而屬題於余夫六法三祖代
有超詣而內行篤摯正復難得其人今雲谷此圖庶
幾詩人陟岵之旨所謂畫中有詩者與浣筆傅采至
性藹然蓋古孝子也黃筌之富貴徐熙之野逸不足
尚矣爲賦惟鳥一章章六解

惟鳥有雛鳥雛返哺伊我有母不遑遐顧解白雲蓬蓬一

西一東策馬升坂蕭條北風

解二

雲山遐阻載飛載語夏田

啄麥秋田啄黍

解三

我念母氏不歸何之母氏念我倚閭傷

悲

解四

駕言出都執轡躊躇瞻望鄉邑依依室廬

解五

室廬不

遠夕陽晚晚母氏笑言來日苦短

解六

戚姓川年丈枉句見懷依韻奉答

剎那聽說却回首是耶非舊雨憑殘夢新詩愛晚暉

原唱有七

十九年非舊雨竟安歸之句故云

酪漿晴後試畫楫醉扶歸宣北宣南路

殷勤爲啓扉

題家書後用前詩韻

軟紅棲倦旅生計未全非醉或踟蹰殘雪閒惟吟落暉夢從
秋後少書趨臘前歸無恙青山在蕭然短竹扉

典衣和孫顧崖孝廉元韻

居易居難解亦稀張南周北自因依玉梅花下逢新雨蜡
鼓聲申典故衣官馬紅燈朝士散龕鐘佛火病僧歸長安
多少同袍子輸爾清吟送落暉

余傲居與僧舍隣故有六句云云

送農部陸朗夫先生出守登州

都亭槐雨陌塵輕馬首齊煙九點橫孝子奉親千里近
太夫人年高告就近省大夫辭闕五車行

載書極富

湖青獨上蓬萊閣月炯孤懸不夜城樞禁一時推手筆自今開濟屬書生

曲阜孔氏紅欄書屋有修竹數十竿絕可愛也用坡
翁壽星院寒碧軒韻并效其體

涼風卷雨搖軒扉籜龍一夜翠作團箴紋如水不可睡欲

剪薜荔爲秋衣螿螂捕蟬喧葉響蝙蝠撲火穿廊飛先生
放脚自酣睡故應不俗何緣肥

雨後南牕亂竹不戢命僮痛治之

晨起理亂髮鬢髻散如蒿昂然覺清快償此一沐勞連朝
蟠蝨見兩耳盡聒嘈壞牆壓破竈濕火然殘膏蟲行宛釵
脚雨注攢蝟毛開窓看修竹勢已出屋高

種松兼種竹南北各有適

北窓有松一株

竹不戢其族不如棗與

栗主人愛嬾娟種向瀟湘乞一雨迸橫斜意欲破牆壁呼
僮痛治之伐黨孤節出君子無朋從斯語或未必

我誦紅欄詩快處爪爬背又飲玫瑰酒

主人家釀

如獲三年艾

微嚙遶廊走深淺隨所會新月照綵笳碎影不成塊有鳥

如老人咳嗽短牆外涼風歛然來玲瓏擢荒蒼把酒復哦
詩莫逆此君在不有斬伐功安得鸞鳳態

泗上

晴沙白皚皚秋水清潏潏相逢泗上老殷勤話柴關犬吠
棘藩裏雞鳴桑隴間欲渡罕舟楫恨不傳羽翰村人縛筏
待中流激奔湍叢葦薄修坂落日銜孱顏濯纓與濯足俯
仰滄浪閑逝者有如此盍不憇轍環

渡汶水

數里聞雷霆岸谿見奔駛亂瀨濺人衣清淺纔濡軌與石
一觸鬪鉦鼓聒兩耳白鷺嬉沙唇黃蘆委岍趾遠山如屏
風人家明鏡裏我來值亭午白日數齒齒欲渡嗟無梁瘦

馬不受箠寂莫汶陽田秋光一千里

徂徠山下

一徑入楓柏不知谿路深林開見巖壑窈窕徂徠陰雨足
黍苗長纔溜懸遙岑落日一照耀石髮抽瑤簪上王在何
處上王村名梁父無人吟三兩見牧豎百十飛水禽喬松不可
見蒼霧秋沉沉

歷城旅舍用王阮亭先生憶明湖韻

汲井烹茶眼暫明鵲山山色翠螺輕
謁來小夢菰蒲雨且住秋風水木城
瘦馬竹弓宜射鴨短航荷港穩吹笙
尙書老去詩篇在羸我微吟繞郭行

同戴葑坪處士汎舟明湖以北齊房君豹風淪歷城

水月倚華山樹十字爲韻予得月倚華山樹

我昨夢扁舟乘興歸吳越名山如故人抗手整袍笏香霧
青濛濛湖水清更滑覺來歷城秋疎雨散林樾叩門安道
來新泥濺鞞纒偕我明湖遊孤棹蘆中發荷芰密間疎林
巒凹復凸爲置一樽酒留待清夜月

秋水平似掌秋雲薄於紙雲水相澄鮮被岸風靡靡借問
垂綸叟釣鱸還釣豸

北人呼鱸爲豸

薄鱸銀刀飛未食先自喜兩

年困鞭鐙肉已消兩髀忽落明鏡中坐臥做屏几打鼓歷
下亭吹笙水西市白鷺馴不飛花鴨闖文綺日暮不歸來
臨風一徙倚

人生復何似冉冉赴壑蛇兒時與君遊麗句相矜誇今雖

未老大世事紛牽別却桑與梓而來逐齊譚名士不可
見炙轂空滿家惟有厯下亭曉暮霏煙霞與君共沾酒扁
舟落日斜鄉國渺何處雙鬢閱歲華君看衰柳樹已拂白
葦花

言登北極閣南望千佛山山氣日夕來山花照爛濯纓
旣森森珍珠復滟滟滙爲千頃波明鏡堆髻鬢淺瀨橫短
釣沙鷗飛白鷗水香時一遭風動蘋花間信美非吾土浩
歌相與還

幽興忽已愜夕陽掛遠樹港泊時兩三短棹屢迷悞君歌
漁父詞我作招隱賦兩眼碧照水驚起雙白鷺苦吟出肺
腑相憐莫相如掉頭墮巾幘弄月失芒屨但恐別匆匆美

景倩誰付逍遙檐將歸月倚華山樹

觀趵突泉

岱陰諸水來淙淙羣趨渴馬無留蹤伏行曲折知幾許到此跳宕晴雷洶坤維裂腹迸銀乳平地忽立三白龍天風橫吹鱗甲動急雨翻瀉千筓鏞何年達官好事者瑩以文石朱欄封我來掬水洗昏眼頓使暑夏移寒冬道人雙瞳碧於水風爐活火然枯松大瓢小杓儘傾注一呷冰雪澆心胸細流涓涓遶城去清瀨沙隴紛相從挾而北走互紆直離華山色青茸茸西有灤源東百脉品題七十斯爲宗合離隱現共一派造物洵巧人何庸孤亭布坐風掠耳水色潑與銀離鎔詩成毛髮森欲植一聲孤鶴和山鐘

濟南秋思四首

商意入林薄，蕭晨鷓鴣鳴。山連牟子國，水遶晏嬰城。雨洗碧天淨，草涼池館明。長安一回首，愁絕鴈南征。

青山對隱几，客到不須膺。去住心何繫，詩篇例復仍。舊秋京邸

有感懷之作夕陽樵塢樹，夜火蟹簾燈。且夕思安道，監輦興或

乘謂戴

春春追前約。舊秋頗多文酒之會思思俯逝波，姓名秋社熟。詞賦驛

亭多密雨，侵蘿薜西風。颭芰荷修鱗三十六，不寄一書何

千里故人別，貽書抵木瓜。殷勤慰餐飯，問訊及霜華。憶爾

燕山騎吟看，杜曲花薄寒。風復雨倦旅，尙天涯。

獨遊千佛山

重華事已往古木何連蜷空山落日杜鵑叫獨客遲到千
佛顛何年石壁鑿龍象秋雨逗破滄浪天阿難尊者坐入
定幽篁苦霧泣面然龕中白足似枯木拾薪爇火忘歲年
口翻千偈散花雨心死六道離言詮我生百事苦羈縛竭
來稽首蒼崖前女蘿山鬼罕名狀縛茅願借石一卷華山
隄山兩娟妙齊州九點橫蒼煙長生不能學不死何必飛
車訪僊伶

陸太守朗夫招飲賦謝

濟南太守與我厚僚佐森森匿屏後惟將華皓兩山雲付
與詩人納懷裏玲瓏窈窕看不足更向城南弄鳴玉道人
十日九逢迎顛倒併罌貯寒綠太守憐我苦吟詩邀入寒

廳共酒卮軒前老鶴側翅舞華鐙競奏竹日絲
歷山城頭亂槌鼓一綫涼蟾滿秋雨籃輿扶醉
獨歸來急燕松明煮雲乳

中郎中鶴圃招飲觀磨崖碑

我讀中興頌懷古心勞切欲往觀之路紆阻浮湘何日撥
輕舟天寶末年那可道阿鞏跋扈千宰驕常山平原復何
有潼關四扇飛烟燦艱危劔閣鳥道絕淋鈴一曲愁猿猱
黃衣天子起靈武中天白日風靈消元公作頌魯公筆大
書深刻留山椒涪溪潺潺不可唾斷槎古木山鵲號春陵
浩劫紛涕淚漆燈虛冷飄旄旄後來鷹本蛇蚓雜淄澠不
辨空滔滔水曹好古力購致重緘密裹緙繩牢艸堂夜靜

寒月皎展看光射魁與杓判官刺史署千古名字落落垂
雲霄難從跟肘辨甲乙細剔榛莽尋柯條平生寤想今始
遂快引大斗傾以醪先生家近中堂寺眼明白鶴青岩巖
零陵秋雨賦蕭瑟洞庭落木歌離騷手攜碑版住人海終
朝吏局文書勞消寒百瑣據大戶夢魂迴繞江之臯挑鐙
不語三太息統如濕鼓沉麗譙

送張贊府若淦還滇

長安積雪一千里驢騾馬瘖不鳴寒星耀芒射到地掀
鬚冰墮聲琤琤居人坐愁行路嘆贊府辭我飄然征窶者
欲贈竟何有七字容易愁難傾滄州臘醅定州尊羊腔刺
取肥可烹菜甲未拆葑根搗直沽蟹醃鹽如晶燕京風物

須記取別後恐使飢腸縈行過襄陽下虎渡逕入金筑趨
都坪蒼山洱海足覽眺都官木客爭逢迎蠻歌蠻舞爲君
壽百寶散地無人爭一官雖微二百石明府少府同名聲
天南矯首一萬里到及滇海銷戈兵政成秩滿奏天子
風使世上丞尉爭功名嗚呼風使世上丞尉爭功名

歲暮感懷十五絕句

并序

朔風淒緊門前餽歲之盤大雪飄搖陌上呼鷹之客
淹留三載萍梗一身攀桓公北征之條樹猶如此覽
束皙補亡之句泣下數行况夫酒旗歌板好夢難圓
暮雨吳孃東風易老之無包裹差憐行脚之僧席幕
乾坤眞同游磨之蟻輒吟斷句屢擊唾壺酒後歌呼

聊爲嗚噓

歲晏霜風怯傲裘
曉寒還駕犢車游
素心預有嬉春約
章杜城南舊酒樓

漫從馬客語幽州
月照燕姬樓上樓
儂本江南老桑苧
青山一抹水如油

獵場燒後角弓強
撲面驚沙夕照黃
閒看少年賭身手
馬前疾擊飲黃麇

直沽糖蟹水晶鹽
鹿脯羊腔次第添
最是酒醒茶渴後
蘋婆香噴雪梨甜

新亭瀨岸兩依依
閱盡傷心是別離
今日宣南坊下路
一年強半送行時

赴壑修蛇歲月徂墓田風雪黯楸梧紙錢寒食年年負不
及西隣種菜奴

何曾剖竹煮江魚手導軒軒願尙虛料得衰年頭雪白課
孫依舊課兒書

聽雨聯床事渺然欲騎黃鶴到君邊柴門六枳淒涼甚好

爲先人守墓田

少甫在吳

曉妝閣底木蘭艷亞字欄干卅字牕肯爲張瑛酬好句封

題紅豆一雙雙

張瑛茗溪女史與余婦有唱酬之作

載酒西泠憶往年夜潮羅刹水粘天別來一事難忘却斜

日輕風燕尾

楊廉夫句

道塲山頂何山麓

東坡句

桑斧丁丁墮日斜試向駱駝橋上

望趁晴樓閣拓牕紗

清秋簾幕賣花聲月到山塘分外明
一隊衣香簫鼓沸燈船行盡酒船行

四條絃索撥秦淮一丈風簾墮玉釵斷粉零金消歇盡只
應愁煞老余懷

竹西鼓吹復如何夾岸疎簾影翠蛾
明月二分橋廿四戎葵花下畫船過

風情合伴元真子嬾散應憐笠澤翁
不分軟紅輕插脚更無清夢到江東

擊臘鼓

歲云暮矣淒寒風四門磔狗同雲同
長安人家不閉戶到

處臘鼓鳴蓼蓼蟲疑蟄龍裂地起亂若雨點飄長空百年
老人擁敗絮夜半喜舞開盲聾須臾雞鳴天下口一輪若
木光曠曠去年鄉國歷蘆葦圍爐擁鼻嘲冬烘今年幽燕
雪如掌臥聽車馬喧衲夢華小錄荆楚記風俗不與北
地通我今嬉游如童耳走馬十里紅燈紅

題吳孝子舜華賣墨圖

明窓大硯水生寒一試吾宗烏玉丸灑向壁間滿雲氣黃
山三十六巘峴

一馱遠致千螺美二月還爲萬里行將之粵中此去灘神爭抗
手不愁孝子少逢迎

簡孔莊谷民部京邸

小至何曾見雪花去年此日已橫斜街東細馬凌兢過舍
後青山錄曲遮四海樽罍思北海兩年飲食是東家與君
預訂嬉春約章杜城南嚴舡車

答孔廣試寄和游大明湖詩

魯王宮畔彈琴坐歷下亭中吹笛遊一自宣南坊別後寄
來五字足清秋

風淪月倚語清華十字千秋洵足誇復有清吟歷前輩看
來此事屬東家

嚶城歸棹和內子韻

夕宿風氣涼初冬雪未雨掛帆練水上三朝復三暮竹葉
飛隼健心遂游魚恬覽誦瑤華言推篷出新句

岸柳如人行遠水界天白思君百里餘迢遞蒼葭隔日暮
倚蘭舟遙睇碧雲碧雲何亭亭隨風自飄忽心知成晤
言佇待哉生魄

題吳江張秀谷鶯湖秋月圖卷

松陵南去柳千條閒看新潮接舊湖最愛露明風舉夜采
菱船過畫眉橋

秋到江南分外清月當潮滿魄哉生湖心一隊沙鷗起勾
管煙波是橈聲

題蔣香溼洗硯圖卷

萬里泮舸一峽束中分三洞與三層研材畢竟端州好寶
石何妨結習仍蒸藓春陰蕉葉大鮮澄新水墨花升他年

我訪羚羊去珞珞歸裝誇友朋

唐得皮毛宋得腴君今拂拭眼如鸛千頭筆禿真成冢徑
寸田收不欠租簾底風生池欲縹几間雲滃腹如壺作詩
或肯相持贈日捧猪肝一事無

毘陵

毘陵驛前水亂流荻花楓葉鳴清秋行人好夢落何處隨
潮先到南徐州

丹陽

極目雲陽路溪橋處處通一更練瀆火百里後湖風城郭
連檣外人家斷岸中戍樓喧鼓角想像霸圖雄

泊京口夜月

大江南岸宵發柳柳聲欲斷潮平砥起看蜃氣上冲斗更
靜僅辨城中瓦金焦蓬頭濕如沐隱隱佛火縈青幢江流
無風浪自語艤幢屯艤相攻撞沙頭蚌蛤現光彩脚底罔
象堪擒降此時奴僕盡僵臥明月與我徘徊雙何物飛起
作人咳百歲老鶴巢枯椿須臾月墮江忽湧似有神物窺
船牕叩舷呼之急不得坐以待旦挑殘釭

露筋祠風阻

一道清淮水初更揚子潮滯人南北望三暮復三朝

高郵弔文游臺

東南淮海維揚州國士無雙秦少游涪翁此語亦奇特高
臺至竟孟湖陬風流文采照人世千載一賦空黃樓眉州

蘇老天人流黃茹苦竹埋窮愁宰相文孫豐且脩龍圖學
士雪白頭文明會合此臺上渾河屈注江東流嗚呼熙豐
朝民病幾弗瘳秦陵泊親政顛倒薰與蕪廟堂之上喧鷓
鴒鴻鵠失勢遭幽囚往事感歎淚不收黨人名字炳日月
與臺終豈淪荒邱我來蘆荻西風秋鷗鳧出沒帆檣稠三
十六陂擁環映淮南日落明珠浮酌以三酌溪蘋羞髯秦
不見天悠悠

過汜光湖懷古

樟樹鎮前飛羽書鄱陽湖口舟桡如閹豎爭功竄名字至
尊南狩冬觀魚堂堂華容公垂老臨邊陲同時焦泌陽姸
姸靡不爲文襄識大義誅醜歎孽遺黃河凍合鐵騎趨龍

舸鳳娟翔珠湖戎衣鼓吹忽不豫千秋遺恨膠舟俱祇今
蘆荻織寒煙廣羊月落秋娟娟秦陵坏土今何在輪與漁
竿釣碧天

秦郵道中贈汪秀峯戶部

相逢細雨落帆時篷底疎英解索詩爲伴黃山老居士西
風斜日過淮遲

秀峯載
菊滿船

杜笏朝來詔馬曹錦鱗出水恰容刀如何一夜清淮漲舴
艚居然出屋高

有感

月落廣羊戍霜寒衣有稜魚龍窺獨夜江海耿孤燈目盡
南徐樹心憂通潞冰何如循嶽路瘦馬策凌兢

欲訪南朝寺其如秋晚何親朋到江別感慨入淮多慚愧
霑微祿馳驅謝湖阿到來津吏熟一歲一經過

銅沛紆憂日黃淮互吐吞登陴候三版縛筏失千村飛檄
河渠議清秋澤鴈屯更聞賑恤 詔一再爲黎元

青天行白日六合畫堂堂兵氣銷參井妖星落壽張七旬
自神武一旅掃欃槍倚劔西風外高歌秋夜長

李滄雲攜家入都至袁浦復歸予由陸路遂行賦此

誌別

一家遠住鳳城邊吳會樓遲復判年襍被擬同趨秘省旗
亭忽獨控吟鞭燕雲壓帽盧溝騎吳火連檣瓜步船一樣
到家情緒別君家烏目看耕田

圮上

車激驚霆旅夢繞青林白屋夜蕭蕭荒唐仙鬼黃公石躑
躅英雄圮上橋父老尙能言楚漢功名原不伍曹蕭網羅
其奈高飛鳥我欲臨風翦紙招

邳州道中

溪轉疑無路前臨黃石山匆匆秦楚際莽莽魯吳間地斥
農堪憫槎枯瀨不關我來霜落後赤足踏淙潺

謁孟廟

嶧山高接岱宗青松檜參差晝杳冥得已何妨作顏子有
功寧必續麟經千秋樂正干城斬

廟中惟樂正子配饗

百里尼防俎

豆馨下馬低徊不能去還將修綆汲泓渟

鄒縣道中

欲就諸儒問栖栖歲暮心亂山圍曉鐸落月戀楓林超忽
孤桐奏蕭條梁父吟牛羊山下路鞭外指龜陰

滕縣

長蘅詩句忒清新曲坂黃泥叱犢塵繞縣尋花無一樹白
楊愁煞渡溪人

汶上

一片粼粼水遙來寨子村汶陽秋稼好沛北暮雲昏草淺
野獮聚沙空旅雁屯近來防寇急鼓角動城門

東阿道中

山形僵積鐵谷勢互盤蛇白草秋樵路黃雲野獵家輪蹄

穿偈仄星漢極橫斜回首礪礪路西風咽暮笳

馬跑泉

百里入荒谷村落都草草誰歟縱烈火燒此禿而老黝黑
頽堂隍獷狼怖蛇鳥盤盤走詰屈步步踏枯槁忽作怒馬
奔失勢驟仆倒幽湫悶袷袂仄竇鑿窻窳牛羊不敢窺荆
棘四圍繞村民鳩鵲形擔汲自昏曉項下瘦龍鐘垂垂無
老小陰寒藏惡毒此義吾曾討看山齊魯間蒼翠畧已飽
濟南七十二酌試亦粗了茲山偕茲泉多醜而少好可知
頑野姿造物罔施巧說與病暍人勿來洗熱惱

苦寒行

千口肥牛百壺酒回獵歸來迎新婦平生頗笑高敖曹此

語詎出文士口霜天月落列戍寒牛羊旣腓沙草乾下馬
欲作劔器舞上馬便搦蛇矛盤書生白首困文字疆場敵
愾焉用此大將新歌競病來九天之上九地底幽州健兒
鐵裊襠戰酣殺賊天蒼涼生擊黃塵飲塵血翻身還欲射
天狼

鄭州

我行瀛鄭野沙路何漫漫衰草一千里落日牛羊寒迢遞
望京邑慷慨懷邯鄲趙女挾清瑟當爐奮哀彈薄酒不成
醉吹面西風乾道逢游俠兒拔箭追飛翰我騎亦突出大
笑各下鞍君看羽林軍功成返長安

荒莊感舊圖歌爲張瘦銅舍人作

舍人俸錢不滿千日日下直索醉眠破牀搯屋風雨夕架

上一卷光油然婁東司馬筆格老

王蓬心

圖寫四雨逾平泉

當年尙書偉風采能將寸牘摧豪權分宜毒斲稍戢息至
竟諫草貞珉鐫侍郎築室清遠地十畝好買菱湖田清茗
微風波瀾瀾蒼弁落月雲娟娟鉅公燕喜動城邑絲竹每
載春風船烟雲過眼三百歲文孫近住蘇臺邊具區一水
限吳越清夢時墮菰城烟路人有美尙傳說何況祖德貽
繩絲繪圖豈在詡家乘率由奕世永不愆他年開徑傍短
簿江山平遠分紆妍功名第宅兩照耀勝事例合君家專
作詩跋尾再三歎魏笏范硯同蟬聯

題汪秀峰蒲團獨坐圖

圖中何人豐且脩白晢袒背人天流自調千息閉兩眸蒲
團寂歷上座幽儒耶墨耶道不謀斯人殆與毘婆游吾初
識君從揚州雷塘九月鳧雁愁君披鷓鴣坐船頭衝冰伐
鼓過秦郵推篷款語心綢繆相約韋杜城南陬竭來蹇衛
逾盧溝十日八九羅朋儔秦鐫漢隸窮雕搜辨析眞贗毫
釐求哥窰滑脫塗青油潞琴款識垂春秋酒酣颯爽操長
矛醉語兀鼻輕王侯翩然起舞渾脫遁衆盡驚避風颺颺
雙趺忽斂天花稠賢者不測如是不吾生骨相如猿猴烟
霞痼癖藥弗瘳欲挑長明豁昏瞽借君蒲團坐白頭閉門
庶幾寡悔尤

題同年李梅圃孝廉巡檐索笑圖

杜陵詩句逋仙骨寫入生綃香雪活不愁孤寂不愁寒莫
逆惟應妬明月月明孤鶴過銅坑隔溪草屋似畫明屋中
有人不飲食日嚼梅花耐瘦生前身或恐梅花是不然福
命寧有此東坡楚頌未成亭而子周旋梅樹裏自言身自
梅圃來一生笑口逢梅開種梅僕指三十載千株已滿林
之隈湖山住處輕離別尺幅攜來薊門雪笨車蹇衛走衙
衙比似茅檐判冷熱吾欲翻身入畫圖借君木榻炊雕胡
泠泠修竹脩脩鶴日暮天寒夢五湖

榮性堂集卷四

吳縣吳俊曇繡

古今體詩

題王蓬心司馬爲周香巖畫漱六樓圖

周君家近楓橋偏買書不惜百萬錢瑯琊司馬頎而髯長
安道上呼酒顛一峯墨法是初祖青衫朱蓋臨江滸偶來
圖寫漱六樓筆底蒼茫轉脩嫻樓中無几亦無牀插架萬
卷私弄藏庭中無樹亦無石寒士兩三致莫逆此樓此畫
洵足多碩人考槃宿且歌我來十月聽疎雨讀畫看書作
吳語人間骨董太紛紛周君視之直糞土

雨坐張氏孝友堂

十月楓丹不見霜東風吹雨夜浪浪聽更僕倦蟲吟壁說
鬼燈昏鼠齧牀殘夜夢魂殊未穩隣庵鐘鼓故相妨玉堂
天上清吟客聽漏趨朝正未央

予自去年八月至今凡三渡揚子江今年四月初六
日飯於金山長老顛風橫江頗挾怖恐匆匆未有
詩也聞七月始追紀於孝友堂

金山如故人來往勞迎送焦山如老宿趺坐兀不動北固
山前笛一聲吹起江濤吞鐵甕今年我上金山塔兩腳欲
把龜羅蹋僧堂書夢見坡翁一笑千詩翻水滑覺來孤鶴
飛江滸潭底蛟龍起雲雨顛風瓜步折旌竿遠火蒜山啞
戍鼓赤松子去不可尋弱水三萬愁我心塔上一鈴自孤

語閱盡南朝成古今

遊金山後一日放舟焦山

金山長老苦留住，僮僕勸我焦山去。只因兩腋戀中泠，未肯逕呼一葉渡。西風飄灑催我行，瞥忽已過潤州城。江頭老漁搥破鼓，沙上倦卒臥短兵。到山無山只有樹，欲踟還恐蛟龍怒。回頭指點妙高臺，是處山靈應我如。道人百歲雙瞳光，見客急起迎風廊。剔蘚首觀瘞鶴字，持鑰次啓枯木堂。海門蒼蒼近咫尺，晴空積翠潑衣濕。飛梁跨浪霹靂鳴，古洞蟠虬雷雨蝕。江心有此何所似，一點青螺出水戲。人緣螺殼走千盤，殼盡脚空嘆無地。焦公不見二千年，巖椒鶴鶴愁啼烟。我來白日弔山鬼，漆燈佛火青無煙。新詩

七字付江水江神贈我風滿美片帆來往似飛車縱不長
生倘不死

三十自壽

臣才不中書臣腹空飽肉饒逾嗅案臚健比奔林鹿妻飢
夜猶縫兒寒曉勤讀人生無百歲百歲羊脚熟十八補博
士十九戰矮屋登車試春官毘毘打已數遲鈍獮騎牛踏
踏魚綠竹一旦朝天子禁省使直宿白汗午翻漿隄麋
旬丐沐月支太府錢歲仰司農粟攬鏡照頭顛髭須密攢
鑿行年到三十回首渺奔轂親朋遺豚酒兒童弄箏筑將
爲一日歡祈我百年福我癡如童時屢舞便萊服報國
有寸心微尙忝榮祿去日不可追來者當暗卜吾愛新息

語刻鵠尙類鷺又愛開元中家訓數韓穆但得子弟賢不
用一錢蓄引酒醺枯腸狂吟駭僮僕辦得生朝詩流傳笑
邦族

人生

人生那得神堅定動喜紛華靜患枯伸足獨眠清似衲灰
心偶撥熱於爐須知夢幻眞皆幻但道空無色更無叅破
此關方解脫紅裙隊裏醉眠吾

豐年

豐年種秔儉種秔拍浮一世長悠哉開門二頃五十畝到
口十萬八千杯總爲身名叅瓊闥敢將蹤跡混蒿萊閉關
聽雨從頭想知遇何曾報答來

予在京師四年凡得詩文數百首皆牽率人事率爾
酬應求其合乎道理愜乎性情者無有昔人云用
志不紛乃凝於神得諛墓金者焉有真詩文乎偶
讀劉舍人文心雕龍悅其用心之勤而行文之道
亦庶幾畧備輒賦二章

讀書悔不十年中香土東華十丈紅萬事有無蕉鹿夢一
身通塞馬牛風賣詩恥爲旁人媵作草難過小吏工欲覓
刀圭嗟已晚貧糧亂藥兩無功

心似春蠶作繭餘一重綿密一重疎憑將戶牖爲疆界付

與雲煙任卷舒辛苦訂完經藏字

本傳依沙門僧祐居遂
博通經論因區別部類

錄而序之定林寺
所藏經所定也

縱橫讀遍選樓書

本傳梁天監中兼東
官通事舍人深被昭

明太子
禮接 蕭梁作手真林立仔細評量總不如

贈孫秀才味根

孫子取揚子之言自號曰味根蓋其性篤學故甚貧而無怨容亦無躁志予與別久矣今年假歸見之貧如故篤學復如故所異於昔者瘦而黧默而寡言意其中有不自得者作詩三首以慰之步虛辭者託爲道流之言悲其不遇而賀其終必遇也昔人陽關三疊曲調最高往往多激昂之音孫子生江南柔軼地恐其不能奮身取進輾轉爲家室所累故作陽關辭以壯之又念富貴貧賤俱非人所自主所自主者讀書耳孫子何慮不讀書慮讀書而求效不效輒謂讀

書無用故復作讀書契以堅其志契券也當時慕之
後世傳之胥是券也他日富貴無忘是言矣

步虛辭

懺悔居然近自然綠章封奏問青天心知上界多官府一
謫微臣四十年

陽關辭

慷慨男兒好背鄉橫刃下馬按伊涼莫唱江南白紵曲空
教柔楚斷人腸

讀書契

識字難將憂患戡辱常貧賤更清甘一經偶記焚書後名
士千秋誦濟南

冬至後三日雪寄家人京邸

瓦溝鳴雪夜瀟瀟晨起閒看凍玉條旨蓄一冬惟百蓋寒

威半榻減三朝會拈坡老詩中鐵難忘城南月下簫辛冬京師

與戴莉扞嶺南張孝廉咏雪用東坡鐵字韻京師有善簫者與子隔舍居每於風雪中聽之我醉欲狂

猶似昔只辜聽鼓曉趨朝

江口攜孥成泛宅長安騎馬作歸人一身馳騫兼鴻燕百
畝支離愧子臣衝雪苦無轅犢健踞牀轉憶土爐親憑高
欲望西山脊遮眼天邊是去塵

雪後復雨

片雲濕透縐魚紋雨急風斜不散雲已惡矮窗添晝黑欲
沽村酒博朝醺壞堦蟻散重移穴僵木蟲書自作文三日

閉關吟轉捷苦無阿買張吾軍

十一月十四夜月

由來羈旅作生涯人怪頻年不憶家江口弄潮忘歲月山
東貰酒醉塵沙一冬悶坐簾鉤雨雙眼支看燭跋花今夜
月明欲飛去披衣直到斗牛斜

贈妹穆君

相看兄妹意含悽會面匆匆又別期天外朔鴻辭伴侶棧
頭繫馬自鳴嘶我無縮地分身法君有衰親穉姪思何不
相攜渡江去東風正好挂帆時

陳秀才介軒移居

舟牽作屋張思曼屋小于舟蘇子由隨地便堪營井竈如

君何處起臺樓犬因新徙頻依主竹縱移栽不改脩鵝鴨
繞門漁對戶任渠呼屋與呼舟

贈李滄雲舍人同年

去年帝御乾清宮親收進士直閣中拜恩未已呼下
殿橐筆趨省陪相公黃門日射宮袍赭禁柳垂垂映官馬
東華退食路人看指是舍人新除者臣才只合老江端一
旦恩榮降自天君家蟠根仙李大出入幸與肩後先偶
歸同理吳淞屋步履相從往更復高堂白髮兩婆娑膝下
嬌兒並立竹人生鬢黑能幾時將相公侯會有期衰老功
名不足用有如曳尾挽脩蛇川春風淮水蒲桃綠桐樹湖
雲看不足扁舟相約過津門去訪城南韋杜曲寸心報

學性集卷之四
國知非拙官雖不高道則直尋醫入務不須然朝歸日飲
三升墨同歲題名意轉親三間賃屋作比鄰天涯范叔今
寒甚切莫看如秦越人

蔣香溼倩人作照科頭解帶旁若無人頗有天地空
闊之想二癡王子爲補枯木寒泉映帶左右因共

賦詩

家居屋蓋頭出門篷壓背入市怕湫囂作官厭塵蓋人生
祇一身處處遭拘械安得一搔首昂然弄清快擺脫行坐
臥逍遙冠履帶閉眼百萬年開眼億千界世人何能爾吾
友蔣侯邁輕身跳樊籠能事備描繪老驥立秋風舉頭想
天外猶惜畫師癡點染冗可汰瑣細葉兩叢欹倒石一塊

不如并去之勿贅寰宇大白日懸銅鉦浮雲卷長旆何用
尻輪馳轉覺颺車隘斯言然不然相與証狂怪

贈王蕙

子師亦我師

生從學於蔣香涇張岷峯二君皆吾畏友也

師我何爲者好笑服

轅牛豈是識路馬而子清且敦懷贄氣瀰下我欲贈一言
意滿苦辭寡世人好鮮服老少逞妍冶三春桃李花千枝
競姪姪鄙意不謂然願子歸朴野吾詩如窮村漏屋蓋破
瓦又如著短袴遮髀終露踝恃此區區心兩手自牢把開
春當遠別念子不忍捨相望矢勿誼片言日三寫

問我讀何書我言六經是或笑此陳言老蠹食故紙不知
禹導江要自岷山始涓涓不盈掬濫觴千萬里舍經而他

求如醉墮澗底日日饜脯臞反忘蔬米美縱復得肥生而已近瘠死我言非風狂聊爲知者指

和陳介軒見贈元韻

一甌清水灑飛塵半榻雙趺夜達晨湖上暮歸山盡老江南獨到子偏親把杯疑想醒猶醉談鬼生驚假當眞我畏人知閉關坐怪君何事說津津

寄內

供奉銜杯醉不醒太常齋禁無了期太常供奉尙自可舍人吳俊今過之一年三百六十日日使汝悲別離不齋不飲又不室旁人頗笑忙且癡高堂老母垂白髮膝下弱子啼苦飢繫官於朝不肯住却走吳會耽吟詩東鄰烹羊

笑翁媪西舍漉酒喧妻兒而我獨宿被蒙而寤寐惟有寒
燈知此時想汝夜添線更柝向盡雄雞隨人生窮達會有
命可惜日月雙丸馳長繩在手繫不得方寸堆積愁萬絲
不如歸耕笠澤叫烏犍一尾身倒騎鋪隴鱗鱗墜黃稻繞
屋戢戢翻烏桺夫獲婦餉子拾穗婚嫁草率村叟著田功
粗了做學究繩床高坐堅臯比丈夫此境豈易得都無憂
蹙常歡嬉何爲頭銜苦拘縛十載八九成孤羈作詩快寫
付急脚慰爾日暮天寒思

病酒

子飲甚少而無酒則又不樂在吳越間則喜湖州之
烏程酒在燕趙間則喜滄州之麻姑酒外此皆非所

好也自十月到蘇州無日不飲無飲不醉今且病矣

作詩以自嘲

百花如美女賣笑淮西東木瓜甘且滑易與人意融不如
麻姑爪著背骨節通蘇州亦富釀浮梁瑪瑙紅不如烏程
醞肝肺澆瓌瓏南北各有嗜一醉大抵同歸家六十日爛
飲頹西風爛花炫青綠耳響飛蠅蠓我生本無病此病緣
杜公所恨但飲濕到口蜜汁濃下菰與長蘆道遠憂心忡
誓去訪逸老濡首窪樽中
湖州峴山有逸老堂窪樽亭不然仕渤海監
取酒稅豐急麾督郵退喚彼從事充左右任傾瀉象鼻彎
碧筒文書何暇看吾醉方怒怒

古詩二首

我有雙玉環宛轉尋無端其一置懷袖其一寄廣寒挂在
桂樹顛青天浩湯湯素娥出遊戲手把珊瑚竿釣取金蝦
蟄濯之滄海瀾

金秋不爲長侏儒不爲短形骸速臭腐不朽蓋已罕荷鍾
貶劉伶運甓褒陶侃要將一寸心放之天地滿可憐鄭司
農皓首死編纂

會飲陳雲濤舍人蒼筤精舍賀其子週歲

一叢寒碧意翛然相遜成行个个圓但願種兒如種竹忽
驚齊案復齊眉十年會作蒼龍舞千畝行看綠玉連共記
當時賦花燭今來眼見兩便娟

予與雲濤同資於吳興時
今七年雲濤已有二子矣

李滄雲舍人子光焯來學於予觀其文章頗有奇氣

喜而賦詩

舍人骨格似天馬，步驟端重心。周詳產駒三尺厩，肖父四蹄鋼爪雙瞳方。九州未踞氣已到，昂首勢欲排天闔。我試收之繫棧皂，施以羈勒馳平康。疾徐進退漸有節，聲價掩盡千驪黃。方今聲教遠暨訖，北通月竈西夜郎。無論騅駟驪駟，駟彭彭繹繹爭驂驥。遭逢如此須努力，底用頰首號王良。吾詩罕譬信若券，出門大笑蒼天蒼。

觀東坡落花詩帖

五年坡老住黃州，手把鋤頭墾廢邱。多事方山與邠老，賺君翰墨照江流。

濃磨鳳喙寫生絹，蜜汁蓋湯興自饒。悟徹成空卽成色，世

間好物豈堅牢

玉堂清夢忒怱怱白髮垂垂儋耳窮死後定騎黃鵠去散
花那更問西東

觀米襄陽題李營邱瀟湘八景圖詩帖

不見營邱畫空咏南宮詩清思托快筆飄灑江之湄一詩
冠一序次第生新奇湖北漢與沔弄棹襄陽兒湖南瀟湘
湘疇昔夢見之俄然睹八景恍惚我所思香風泛瑤瑟苦
霧淒江蘿斑斑鷓鴣竹杳杳英皇祠雲中洞庭君張樂建
翠旗一哭賈生痛九歌屈子悲涓涓二水合流恨無窮期
長沙鬱卑濕嶽麓青迷離不盡遷謫况千古煩冤辭哦詩
勝讀畫底用寒具爲

徐汧亭出關圖

雞鳴捧檄入秦州駿馬跑風鷹脫鞵四扇潼關兩行柳青
青爭拂使君頭

相逢挾彈五陵郎指點終南舊帝鄉使君莫道遠來苦先
進蒲桃一斛香

題顧景園比部靜遠齋詩稿

欲知脫兔行先須處女守漠然思慮無心彌九州九比部

本靜者黃庭養元牡勿藥驗有喜觀文得无咎秋初抱病今已脫然

灼灼飛電眼了了談天口誦君一卷詩洎尾覆至首八十

篇不多有一未安否照耀金壁釭馨香秬鬯占春山紆翠

眉新水擢紅藕天花自飄飄琉璃那任培植此清淨根何

物礙跟肘肝膽伐槎枿秦越在戶牖明年入西曹風雅親
鞭杻要將菩提心光明發其葩故人有片言持贈瑰瓊玖
忽有嘉定江生以孤鴻詩一首見貽已殊不造請也

意在欲予之知其能詩并知其甚窮而無所依

淵明咏孤雲意在悲寒士今子咏孤鴻毋乃義昉此天家
網目方眈眈一羅掩盡羽毛美孤鴻何事猶哀鳴將毋自
棄非棄爾天台絕頂雁所都戲瀨游濤天尺咫曷不飛去
諸雌雄獨自遮防繪與矢江空岸闊不見人亂入鷗羣插
爪嘴鷗雖不嫌心自慙瑟瑟寒蘆照淺水大夫之贊正相
需憐爾何當憔悴死

平遠林睡廬司馬白楚歸吳賦呈二律

一身萬里若雲煙來本無心去更便未典青衫老司馬初

添霜鬢小逋仙人來苦竹清猿裏家在紅蕉丹荔邊乍入

江南成小住秋光山色兩悠然秋光都似宦情淡山色不如歸意濃宋張乖崖帥蜀

時錄曹參軍詩也

自脫塵籠縱著書竭來拄笏意蕭疎一封飛度雁門雪令

濤爲神武令百尾封傳鄂渚魚次子洪爲湖北布政使經歷座客喜觀

太守醉公曾收郡人爭挽大夫裾尋遷蘇州司馬瀟瀟暮雨吳娘

曲公有蘇州竹枝詞四十首風景而今總昔如

風裳

風裳琴舊藏吳謙家謙不能琴而愛風裳特甚予十
年前見而欲之請於謙謙不許自後試弄他琴都無

當意昨一姬抱琴來云將覓售者啓囊而觀則風裳也詰所自來蓋謙沒後五年妻寡子弱不能有是琴而鬻之實不知琴之所值當幾何與以白金十錠拜謝而去

十年囚鎖鳳鸞衿流轉人間歷劫深一見可憐塵土面再彈如訴別離心夕陽吳苑簾櫳杳暮雨江南橋袖陰知我獨眠來作伴不須惆悵夢中尋

裳自珊珊風故擐前身與汝夙因緣十三嶽掩蒼龍眼大小絃凝玉女泉略似仇池娛玉局可能海水遇成連雪泥鴻爪留陳跡十年前嶽軫皆予重整今猶宛然一度乖離一惘然

支硎訪張山人不遇

南華仙人賦樓去

山人父官唐公也

有子遊戲留塵寰故鄉三泖

不肯住手營尺宅支硎彎金閭城郭雁橋路緇髡士女邀

嬉頑篋輿曉出愛衝雨卽栗晚歸醉叩關茅堂竹閣自南

北丹雞白犬殊蕭閒我來山人睡未起落花滿地禽綿蠻

平頭灑掃婢烹茗新菘可摘笋可剗短牆缺處見獅子夕

陽金碧堆髻鬢主人不出客逕去迎送自有風淙潺

不到清微道院已十年矣癸巳臘月二十二日重來

晤徐鍊師鬚髮皆蒼神明如故回憶童時與郡中

英妙文戰於此其間存亡菀枯殆不可問輒用懽

然賦詩一首贈鍊師并邀滄雲舍人同作

十年愆咎懺虛皇可許乘雲躡帝鄉我記恒河三歲水師

添元鶴滿頭霜石壇老蘚封秋雨竹院殘笙弄夕陽欲守南華不亡者佛心仙骨一身忙

山茶以寶珠鶴頂爲上厚葉深花的皜如火盆中林下盛發一兩株具有老健風氣予嘗次第花候菊則先冬而榮梅則過冬而發惟山茶占據九九於富貴中著蒼堅於艱難中出奇麗人生學問經濟類當如此輒賦雪中山茶一首

能將冷豔伴霜松雪後精神什倍濃厚甲捲綿鈴閣迴朱顏蒙絮畫欄封尋常兒女何從見禁束妖嬈肯放鬆花縱不言心自橫欲將少態換無冬

醉司命

黃昏搥鼓聲。鼙鼙團糟塞。突奔兒童江東措。大內史某敢
用明酒陳微衷。我生之辰月在斗。瘦軀七尺畸。而窮黃金
滿籛。視如蓑積書萬卷。饑可充有時。卷舌秘一語。忽然落
筆搖長風。崢嶸甫居七品秩。頑鈍已似百歲翁。賣田築墅
生計促。畏病耽酒牢。愁攻都無利害委。心曲那曉禍福憑。
皇穹天憐與怒不可測。自分多過毫無功。司命升天代臣
奏其言。則拙其心忠。一生不願美衣食。亦不願作卿與公。
但願與人泯好惡。磨蝎不處身。命官又願生兒不識字。能
騎秧馬哇西東。中年友朋後我死。世上哀樂一洗空。只此
數事天盡與。微幸奇福膺。微躬年年酌酒謝。司命但醉切
莫佯耳聾。作詩遠和秀水垞。東方欲白天曠曠。

臘月二十四日子時立春

不中書憐三十人却看春事兩頭勻
杯傾白墮淋浪夜夢繞金坡
供奉農司命東君互迎送
殘年新勝助精神多情簷外蕭蕭竹
暗轉風光是此辰

和蘇長公饋歲別歲守歲詩卽用元韻

臘盡留江南獨酌無與佐
將舉饋問儀直須破裘貨自笑
吳下蒙敢擬蘇氏大新詩
一百首堅抱日高臥持以遺鄉
隣繪貝渠滿座世事冉冉花
陳跡團團磨隔牆有鰥髮歲
歲忍饑過欲與一盞粟此意誰肯和

右饋歲

人生蟻行磨磨速蟻則遲總在旋轉中而來強奔追別去

猶在此相送寧天涯欲知今日歲依舊兒童時只恐人自
別老瘦換少肥歲亦不肯住人亦不用悲明年到今日行
復與子辭匆匆餞杯酒及此未癯衰

右別歲

一年三百六勢比常山蛇扼首尙自可扼尾良難遮明知
遮不住強留意如何三年東華居夜臥聽諠譁小兒打破
鼓白雨紛狂擲夜半祀司命厯厯參昴斜不惜歲馳驟但
恨心蹉跎作詩坐待曉傳與萬口誇

右守歲

甲午元日作

欲且疎星屋角懸須臾紅日湧蒼烟喜聞棘道三番捷拚

典松江一頃田塵願力祛消過半新詩欲刻例盈千都人
記我今時節未老中書故自顛

正月七日與郡中文士騎馬至張山人宅遂由支硎

山至法螺寺

我欲游西山隔歲矢宏誓劣騎不受羈蹄嘴力可制七日
嬉姑蘇一騁當幽薊拂帽山花紅迎鞍曉風惠合或魚麗
陳離或脫兔逝草間方墮鞭木末行掛袂出城市已喧到
山樹初霽山人羅罌瓶穉子剪薜荔溢釜雕胡香登盤早
萑脆蘆葍肥於拳野薺芬愈桂醉飽起跨鞍長空一決背
入村童兒奔躍溪徒御揭支公鶴不還宦光冢半翳澗寫
玲瓏琴山列高低髻三聲叩禪扉一笑詢法裔咒水毒龍

馴尋僧辟支瘞濃嵐落玉樓

玉樓謂肩也出道經

苦茗淪凡諦了了

不二門超超非想契螺現佛頂青路作螺旋細一徑交松杉羣嶺執奴隸吾與猶飛騰諸公蓋跋蹇不畏山靈嘲但覺歸意銳十步輒一顛數里乃頻憩勝游渺若夢怖語恂似囓城中鼓亂搗陌上騎還滯由來江東人利用舟楫濟與陳介軒張岷峯兩秀才夜話

心似長明一盞燈徹宵耿耿倦何曾一樓今夜三人共二子他時合榜登敢道有神兼有命未遑知愛况知憎二子主司愛憎不讀書萬卷須求破從此關門喚不膺可捉摸爲慮

賀張岷峯移居

巷南秀才清且臞移家三日手足劬更無平頭與赤脚春

汲掃灑煩生徒位置粗了退就廡吟誦朗朗調笙竽先生
百勞獲一逸晏坐輒自掀髯鬚我來再拜逕呼酒惡客之
惡當勝無縱橫議論上下古醉後不覺碎唾壺窗間落落
星斗大庭下厯厯蕉桐粗東隣兒呱雜機杼西寺僧定喧
鐘魚三間矮屋足俯仰賓主酬酢歡須臾詩成寫付二三
子從師努力怵隙駒

掃墓

農夫知父母農婦識姑舅一間茅屋生相歡三尺孤墳死
相守憐子枉作仕宦身十年九背鄉里走全家昨載潞河
船尺五城南住八口每逢伏臘意酸悽薦新只有庾郎莖
生兒矢願覓封侯就使封侯已辜負墓田草木飽風霜來

往蕘童與耕叟今年寒食暫歸來一甌麥飯盈罇酒村隣
來指塚中人道是當年種德厚我聞此語重嗟歎三錫何
曾賁泉九况今祭掃不躬親惆悵松楸翳隴畝爲語墳丁
好護防草肥勿令牛羊蹂徘徊灑淚向東風愧煞田家子
與婦